



Երկուշաբթի, 19. հուլիսի 2021

Խնդիր 1. Դիցուք տրված է  $n \geq 100$  բնական թիվը: Լևոնը  $n + 1$  քարտերի վրա գրեց  $n, n + 1, \dots, 2n$  բնական թվերը, ընդ որում յուրաքանչյուրը ճիշտ մեկ անգամ: Այնուհետև նա քարտերը խառնեց և բաժանեց երկու խմբերի: Ապացուցել, որ խմբերից գոնե մեկում կգտնվեն երկու քարտեր, որոնց վրա գրված թվերի գումարը բնական թվի քառակուսի է:

Խնդիր 2. Ապացուցել, որ ցանկացած  $x_1, \dots, x_n$  իրական թվերի համար տեղի ունի

$$\sum_{i=1}^n \sum_{j=1}^n \sqrt{|x_i - x_j|} \leq \sum_{i=1}^n \sum_{j=1}^n \sqrt{|x_i + x_j|}$$

անհավասարությունը:

Խնդիր 3. Դիցուք  $AB > AC$  պայմանին բավարարող  $ABC$  սուրանկյուն եռանկյան ներսում նշված է  $D$  կետն այնպես, որ  $\angle DAB = \angle CAD$ : Դիցուք  $AC$  հատվածի վրա նշել են  $E$  կետն այնպես, որ  $\angle ADE = \angle BCD$ , իսկ  $AB$  կողմի վրա նշել են  $F$  կետն այնպես, որ  $\angle FDA = \angle DBC$ : Դիցուք  $AC$  ուղղի վրա նշել են  $X$  կետն այնպես, որ  $CX = BX$ : Դիցուք  $O_1$  և  $O_2$  կետերը համապատասխանաբար  $ADC$  և  $EXD$  եռանկյունների արտագծած շրջանագծերի կենտրոններն են: Ապացուցել, որ  $BC$ ,  $EF$  և  $O_1O_2$  ուղիղները հատվում են մեկ կետում:



Երեքշաբթի, 20. հուլիսի 2021

Խնդիր 4. Դիցուք  $I$  կենտրոնով  $\Gamma$  շրջանագիծը շոշափում է  $ABCD$  ուռուցիկ քառանկյան  $AB$ ,  $BC$ ,  $CD$  և  $DA$  կողմերը: Դիցուք  $\Omega$ -ն  $AIC$  եռանկյանն արտագծած շրջանագիծն է: Դիցուք  $BA$  ճառագայթը  $A$  կետից այն կողմ  $\Omega$  շրջանագիծը հատում է  $X$  կետում, իսկ  $BC$  ճառագայթը  $C$  կետից այն կողմ  $\Omega$ -ն հատում է  $Z$  կետում: Դիցուք  $AD$  և  $CD$  ճառագայթները  $D$  կետից այն կողմ  $\Omega$ -ն հատում են համապատասխանաբար  $Y$  և  $T$  կետերում: Ապացուցել, որ

$$AD + DT + TX + XA = CD + DY + YZ + ZC:$$

Խնդիր 5. Ձմեռվան պատրաստվելիս Չիպս ու Դեյլը հավաքեցին 2021 հատ կաղին, որոնք Չիպը համարակալեց 1-ից մինչև 2021 և իրենց սիրելի ծառի շուրջը փորեց 2021 հատ փոս: Հաջորդ առավոտյան նա բացահայտեց, որ Դեյլը հոգ չտանելով հերթականության մասին յուրաքանչյուր փոսի մեջ մեկական կաղին է դրել: Տխրելով, Չիպը հաջորդաբար կատարեց 2021 քայլ.  $k$ -րդ քայլին նա տեղերով փոխեց  $k$  համարով կաղինի հարևան երկու կաղինները: Ապացուցել, որ կգտնվի որևէ  $k$  թիվ, որ  $k$ -րդ քայլի ընթացքում նա տեղերով փոխել է  $a$  և  $b$  համարներով կաղիններ, որոնց համար  $a < k < b$ :

Խնդիր 6. Դիցուք տրված է  $m \geq 2$  բնական թիվը: Դիցուք ամբողջ թվերից (պարտադիր չէ դրական) բաղկացած  $A$  վերջավոր բազմությունն ունի այնպիսի  $B_1, B_2, B_3, \dots, B_m$ , ենթաբազմություններ, որ ցանկացած  $k = 1, 2, \dots, m$  թվի համար  $B_k$  բազմության էլեմենտների գումարը հավասար է  $m^k$ : Ապացուցել, որ  $A$  բազմությունը պարունակում է առնվազն  $m/2$  էլեմենտ: